

司馬文正公集



多類志卷第五十七

古蹟志中 第宅

漢

靈金內府黃圖太上皇微時佩一刀長三尺上有銘字難
識傳云殷高宗伐鬼方所作上皇遊山沛山中有入冶鑄
上皇問鑄何器曰爲天子鑄劍得公所佩雜而冶之卽成
神器可定天下昂星精爲輔佐木衰火盛此爲異兆上皇
解匕首投爐中劍成上皇以賜高祖高祖佩之斬白蛇是
也及定天下藏於寶庫守藏者見白氣如雲出戶狀若龍
蛇呂后改庫曰靈金藏惠帝卽位以此庫貯禁兵器名靈
金內府

太倉漢高帝紀蕭何立太倉黃圖在長安城外東南文景節儉太倉之粟紅腐而不可食

武庫長安志漢書曰武庫以藏禁兵又曰樛里子葬於武庫文穎曰秦惠王異母弟也師古曰樛里子且死曰葬我必渭南章臺東後百年當兩天子宮災我墓漢興長樂在其東未央在其西武庫正直其上

敖倉漢書惠帝六年六月起長安西市修敖倉

代邸漢文帝紀代王至渭橋太尉勃上天子璽代王謝曰至邸而議之閏月己酉入代邸羣臣議請卽天子位代王西向讓者三南向讓者再遂卽位羣臣奉天子法駕迎代邸皇帝卽日夕入未央宮注師古曰郡國朝宿之舍在京

師者率名郎

三輔廨雍錄黃圖曰三輔者主爵中尉及左右內史武帝
改曰京兆尹左馮翊右扶風共治長安中是爲三輔郡皆
有都尉又曰京兆在故城尙冠里馮翊在故城內太上皇
廟西扶風在夕陽街北長安志中尉府在尚冠里街東京
兆府卽廢中尉府也

丞相府西京雜記平津侯公孫宏自以白衣爲丞相乃大
開東閣營欽賢之館以待大賢之士翹材之館以待大材
之士接士之館以待國士其有賢德可佐理陰陽者居欽
賢館材堪將軍二千石者居翹材之館一介之善一方之
藝居接士之館所得俸祿以奉之

御史府通典漢御史所居亦曰御史大夫寺在大司馬門內無塾其門用梓板不施色亦謂之憲臺漢朱博傳御史府中列栢木常有野烏數千棲宿其上晨去昏來號曰朝夕烏

司隸府漢舊儀司隸府治故府卽孝武帝廟也

保宮長安志少府官屬有居室武帝更名曰保宮李陵降匈奴以母繫保宮

鴻臚府長安志王莽以鴻臚府爲安定太后宮

魯孫郡邸漢宣帝紀曾孫在襁褓收郡邸獄邴吉爲廷尉治巫蠱憐其無辜使女徒更乳養後元二年武帝疾望氣者言長安獄中有天子氣上遣使者輕重皆殺之曾孫賴

吉得全注如淳曰謂諸郡邸置獄也師古曰據漢舊儀郡邸獄治天下郡國上計者屬大鴻臚此蓋丞蟲獄繁收繫者衆故曾孫寄郡邸獄也

長安厨漢霍光傳發長安厨三太牢具注如淳曰黃圖北出中門有長安厨謂之厨城門

蠻夷邸雍錄陳湯斬郅支單于上疏乞垂之藁街蠻夷邸按唐都高驛卽蠻夷邸在朱雀街西鴻臚寺近

細柳倉馬志在咸陽西三十里周亞夫屯軍處三輔故事漢文帝大將軍周亞夫軍于細柳今呼石徼是也石徼西有細柳倉城東有嘉禾倉樊噲傳柳中卽細柳地在長安西漢書注服虔曰在長安西北如淳曰在渭北近石徼張

揖曰在昆明池南今有柳市師古曰匈奴傳云置三將軍長安西細柳渭北棘門霸上此則細柳不在渭北揖說是也

物定倉馬志下邳縣南渭河岸上西京雜記物定倉收貯五穀先定其性物則不浥壞故秦漢隋唐於此置倉

晉

來賓館長安志苻健永和十年西虜乞沒渾邪遣子入侍置來賓館於平朔門以懷遠人

唐

諸王府長安志寶歷二年以延康坊官宅一區爲諸王府唐朝故事王京帥令有曹局天寶以後王不出閣所置寮

宋過於閒冗其胥吏數司方共一員至是瓊王府長史奏簡奏論遂創官府

尚書省雍錄在朱雀門北正街之東自占一坊長安志省中有都堂本尚書令廳事都堂之東吏部戶部禮部三行每行四司左司統之都堂之西兵部刑部工部每行四司右司統之因話錄尚書省東南隅通衢有小橋目爲拘項橋言侍御史及殿中久次者至此必拘項而望南宮也都堂南門道東有古槐相傳夜深聞絲竹之音省郎有入相者俗謂之音聲樹祠部呼爲本廳言其清且冷也

吏部選院雍錄長安志曰在尚書省南亦曰吏部南院選人看榜之所也六典吏部員外郎掌選院謂之南曹注其

曹在選曹之南

禮部南院長安志吏部選院東四方貢舉聚會之所雍錄卽貢院今世淡墨書進士榜首列禮部貢院者唐世遺則也有列榜之地如吏部

度支亭子長安志在永達坊輦下歲時記新進士牡丹宴在永達亭子

國子監長安志在務本坊監東開街若兩坊衛北抵皇城南盡一坊之地監中有孔子廟貞觀四年立

集書院金州進秦院通志俱在靖恭坊

驥德院雍錄後苑有驥德院禁馬所在韋后入飛龍廐爲衛士斬首蓋自元武門出宮入廐也

禮賓院冊府元龜元和九年六月置禮賓院於長興里北
禮會院長安志崇仁坊西南隅本長寧公主宅公主及駙
馬楊寔交奏割宅向西一半官市爲禮會院每公主郡縣
至出降皆就此院成禮德宗實錄初開元中置禮會院於
崇仁里兵興以來廢而不修

京兆府廨長安志在光德坊東南隅府內廨宇並隋開皇
中制度其後隨事改作

萬年縣廨長安志宣陽坊東南隅去府七里縣門屋宇文
體所造太平公王降薛紹子縣廨設昏席初以縣門隘狹
欲毀之高宗敕宇文愷所造製作多奇不須毀拆也

長安縣廨長安志長壽坊西南隅去府六里

司竹監長安志在鰲屋縣東三十里一名司竹園隋義寧元年唐高祖起兵其第三女平陽公主舉兵於司竹園號娘子軍

按鄠杜竹林流傳自昔穆天子傳天子西征至元池奏樂三日是曰樂池乃植之竹史記渭川千畝竹水經注芒水又北逕鰲屋縣之竹圃漢冲帝詔曰翟義作亂于東霍鴻負倚芒竹卽此漢書注芒竹在鰲屋南界芒水之曲多竹林晉地道記司竹都尉治鄠縣其園周一百里以供國用元和志司竹園置監丞掌之六典司竹監掌植養園竹之事其管內及有司所頒簾權筐篚之屬其材幹以供之又攷漢有司竹長丞後魏有司竹都

後周有司竹監及丞唐因之在京兆鄠鰐厓懷州河

內界中宋時惟鄠鰐厓一監在鳳翔

東坡及樂城集中司竹監燒葦園會

鳳山下唱和乃在鳳翔時作

明設司竹局以大使典之後以斑竹園

隸秦府舊志稱其大如椽其密如簣者是也今則叢篁

密篠緣山驀澗不減當時然皆民間自爲種植無復有

專司其事者矣

宣平府真化府通志俱在延福坊

明

秦王府

雍大記

在西安城中之左洪武初命長興侯耿炳

文修洪武三年四月初七日封愍王之國於秦西爲保安

郡王府又西南一里爲永興郡王府又西南一里爲興平

郡王府永壽郡王府又西南一里爲宜川郡王府西北半
里爲汧陽郡王府又秦府東南三里爲郿陽郡王府秦府
國東城之外爲臨潼郡王府洪武中爲蒲城郡主府第已
公廨已
下私第

漢

蕭何第漢蕭何傳蕭何買田宅必居窮僻處爲家不治垣
屋曰令後世賢師吾儉不賢毋爲勢家所奪長安志王莽
爲安漢公以故蕭何宅爲安漢公第

石奮宅漢石奮傳高祖召奮姊爲美人徙其家長安中戚
里注師古曰於上有姻戚者皆居之故名戚里

山子春宅馬志在漢長安城中孟嘗君孫因諸呂擅權乃

入關圖扶漢誅諸呂故有是宅

夏侯嬰宅漢夏侯嬰傳惠帝及高后德嬰賜嬰北第一
曰近我以尊異之注師古曰北第者近北關之第嬰最第
一也張衡西京賦北關甲第當道直起

霍光第漢霍光傳宣第賜甲第一區

王根第馬志曲陽侯王根大治第室極其奢僭司隸校尉
京兆尹不敢舉奏

王商第漢外戚傳成都侯王商穿長安城引內灋水注第
中大陂以行船上幸商第見穿城引水內街之

董賢第漢董賢傳哀帝詔將作大匠爲賢起大第北關下
重殿洞門木土之功窮極技巧柱檻衣以錦綈

袁廣漢園西京雜記茂陵富人袁廣漢藏錕鉞巨萬家僮九百人於北芒巖築園東西四里南北三里激流注其內構石爲山高十餘丈連延數里養白鸚鵡紫鴛鴦旄牛青兕廣漢後有罪誅沒入官爲園鳥獸草木皆徙入上林苑卜肆史記司馬季主楚人也卜于長安東市宋忠賈誼同輿而之市游于卜肆中

後漢

如淳宅賈志漢平帝時賜淳宅於高陵

魏

顏斐菜園魏志斐字文林爲京兆守於府下起菜園使吏簡拔鋤治也

晉

殷濟精廬水經注陶渠水東南流逕晉漢陽太守殷濟廬

隋

楊帝藩邸長安志在少陵原唐武德中賜尚書左僕射蕭瑀後瑀子銳尚襄城公主詔別營主第主辭乃取園地充主第

李穆宅長安志平康坊西北隅隋太師申國公李穆宅唐景龍中爲長寧公主府及鞠塲景雲中廢並毬塲散賣與居人

楊素宅長安志在延康坊

田宏宅長安志永寧坊西門之北有隋兵部尚書田宏宅

宏子仁恭德懋及孫元基并以孝義旌時論美之又蘇威宅亦在是坊

史萬歲宅兩京記長安待賢坊隋左領軍大將軍史萬歲宅其宅初有鬼怪居者輒死萬歲不信因卽居之夜見人衣冠甚偉來就萬歲曰我漢將軍樊噲墓近君居廁常苦穢惡幸移他所必當厚報萬歲許諾因詰殺生人所由曰各自怖而死非我殺也及掘得骸柩因爲改葬後夜來謝曰君當爲將吾必助君後萬歲爲隋將每遇賊便覺鬼兵助已戰必大捷

唐

十六宅雍錄在安國寺東附苑城爲大宅分處十王謂慶